

自序

仲景為醫方之祖其立三百九十七法
一百一十三方所以補內經之未備而成
一家言者也願於所療嘔吐噦之下未
及痢疾一體是以後賢無所稟承甚
至各執已見或用苦寒或專消導或
驟加溫補病源脈候之罕究外感內
傷之分症為藥誤者亦復不鮮曩

戊子歲疫痢盛行發熱嘔惡下痢純
紅或黃白治者罔效折衷家醫少差
人鬼立判心竊憫焉遂集諸賢治痢方法
匯為一編約三十餘卷未及刪汰會桂邨
聲呂五先生來主書院誨席余挾編
就正猥蒙節費重複加評隲凡得二十
卷非敢補仲景之未備也聊以資衛生之
一助云時

乾隆癸巳歲皋月之吉梅里七十五老
人吳道源識



痢證匯參序

醫可為乎學醫人費古嘆之矣醫不可為乎不為良相必為良醫古又言之矣余自十餘齡時觸程子為人子者不可不知醫之說乃殫精靈素諸書稍長復翻閱漢以後諸家所著雖言人殊而其中若者中和若者頗僻若者見

標不見本若者治標而兼治本莫不隱
別於心逮所見稍的於前人著述各為論
定且加以丹黃擇其善者用之輒驗錄
存醫案亦每盈篋爰於所撰宇宙彙
編中曾有十全要旨數卷緣力綿未遑
付梓也迩者承乏梅里書院講席得識
本立吳公且悉公之醫學精粹欲以余向


所見者就正而 吳公抑然自下出所著
痢症匯叅一書示余曰此予積數年叅
究類而輯之者也其為我定之余展焉詳
讀緒論猶是也滋指矣證治猶是也滋脩
矣援据猶是也滋擇矣於是歎 吳公之
所見誠深而其所輯之書洵可傳世而行
遠是豈學醫者比又豈不可功叅良相

也乎雖所集止治痢一條然痢本難療立
方稍乖死生反掌又此症須辨外感內
傷而婦人之胎前產後小兒痧痘間痢
治法亦稍別是集為條分縷析焉通是
道也於諸科已思過半矣爰為少節
複沓標其精語謹并數言於卷首

省

乾隆癸巳如月之望同邑王式金

聲谷氏拜序



三

三

家
所
藏

序

昔之論醫者謂十年讀書天下無可臨
之症十年臨症天下無可讀之書蓋書
為一家之書症有百出之症要惟臨症者
不敢泥成書而室性靈固非學子醫者之
遽可廢書自用也今之醫者吾惑焉藉


是術為身家計顧人之經脈臟腑百藥
之形色性味未必研窮尋究也偶掇斷
爛醫書一種或祖父摘本幾卷奉為枕
中秘詡焉輒思治人馴且貽害而不自覺
即有通明之士稍識病源而又乘軒從
僕非有力者不可致甚或恐喝病家計

酌儀之豐嗇以決去就嗚呼居心若此尚
有閉關兀坐取古人之書而雒誦之而
筆劄之者與本立吳先生端人而好學
者也口誦手鈔老而不倦褰以疫痢時
行悼世醫之貽害者衆爰集前人論
痢之言今門別類積三十餘頁暇則嚴

加裁擇十存其三糟粕去而精義獨標
俾讀者得所指歸出而治人可以免歧途
之惑於以見先生數十年讀書祇為臨
症時瀹其靈源數十年臨症更於成書
中別其條貫斯蓋能用書而不為所
泥者哉彼皇求利之徒聞先生之風

而得其居心夫亦可憬然悟矣
時

乾隆癸巳之歲仲夏月上澣吾邨劉文思撰





痢證滙參序

語有之不為良相當為良醫誠
以良於醫者之扶正驅邪猶之
良於相者之進賢去奸其道同
也 虞陽吳君本立老於醫歲
在戊子鄉城疫痢盛行悞於調